

道門科範大全集卷之四十三

傍九

三洞經錄弟子仲勵編

安宅解犯懺方儀

十方

臣眾等今故燒香歸身歸神奉為齋官某家

修齋行道仰謝

十方無極太上靈寶天尊十極天君五老上帝二十八舍十二宮神支干禁忌八方主宰上下神明仰慮住居修造之所侵傷八卦忤觸九官上冒天光下傷地脉今故立齋行道謝過希恩伏冀大道垂慈普賜開宥罪瑕洗蕩慶善水臻眷屬咸安龍神復位得道之後昇入無形

三光

臣眾等今故燒香歸身歸神奉為齋官某家

修齋行道仰謝

日月星宮至真大聖三光神仙諸靈官仰慮居宅修造之所犯觸神明負違禁忌穢慢三光不順星辰日月行運之期結成過咎延致災衰今故立齋行道謝過希恩伏冀景曜潛

敷靈光下燭神安乃位人真厥居宅宇安寧龍神警衛幽關照朗動植舒榮得道之後昇入無形

五嶽

臣眾等今故燒香歸身歸神奉為齋官某家

修齋行道仰謝

五嶽真君飛仙真人名山洞府得道神仙諸靈官仰慮居宅修造之所犯觸神明或違天禁地忌在五帝五嶽之司結成過咎未獲原除今故燒香行道謝過希恩伏冀嶽府仙曹名山職宰特原罪犯永錫休祥壽祿增延災衰洗蕩眷屬寧泰門宇興昌得道之後昇入無形

水府

臣眾等今故燒香歸身歸神奉為齋官某家

修齋行道仰謝

扶桑大帝賜谷神王三河四海九江水帝十二河源四瀆神君水府神仙諸靈官仰慮居宅修造之所閉塞泉源侵傷水脉違上善之性虧潤下之功輕忤聖真穢觸江海結成罪

咎在水府之中歷代纏綿未蒙解釋今故燒香行道謝過希恩伏冀副善利之慈錫靈長之惠福如川至災逐冰消洗罪垢以一新疏慶源而不息得道之後昇入無形

經寶

臣眾等今故燒香歸身歸神奉為齋官某家

修齋行道仰謝

至真無上三十六部尊經真文寶符三洞正法十方祕藏侍衛經典一切靈司仰慮居宅修造之所犯觸真靈穢瀆靈蹤侵傷福地或三寶遺跡經教所行有衛法靈司侍真官屬在所居之地非凡俗所知因有犯違結成罪咎在三寶之府未獲原除今故燒香行道謝過希恩伏冀萬聖開光眾真鑒祐犯觸之罪並乞蕩除福善來臻壽祿增益龍神復位人

安宅解犯十方懺謝儀

東方

臣等奉為齋官某仰謝

東方至真無極青帝九炁天君青龍東斗角  
亢氏房心尾箕七星君甲乙寅卯木德震神  
少陽之氣九夷老君勾芒太皞春王正神帝  
車帝輅帝舍歲星木官仰慮居宅之所犯觸  
神明負越禁忌延致災殃今故燒香歸命靈  
寶天尊修齋行道謝過希恩伏願解除所犯  
賜以福祥消中央土氣一切災凶罪咎蠲平  
災衰屏息存亡俱泰福祿惟新得道之後昇  
入無形

南方

臣等奉為齋官某仰謝  
南方至真無極赤帝三炁天君朱鳥南斗井  
鬼柳星張翼軫七星君丙丁巳午火德離神  
太陽之炁八蠻老君祝融火帝熒惑夏神帝  
車帝輅帝舍騰蛇九紫陰陽衆神仰慮居宅  
之所犯觸神明負違禁忌延致災殃今故燒  
香歸命靈寶天尊修齋行道謝過折恩伏願  
解除所犯賜以安寧銷西方金氣一切災凶  
罪咎蠲平災衰靜息存亡俱泰福壽惟新舉  
家貞吉眷屬霑榮蒙如所請仰荷玄恩得道

之後昇入無形

西方

臣等奉為齋官某仰謝  
西方至真無極白帝七炁天君白獸西斗奎  
婁胃昂畢觜參七星君庚辛申酉金德兌神  
少陰之氣六戎老君蓐收少皞太白秋神帝  
車帝輅帝舍咸池刑殺陰陽衆神仰慮居宅  
之所犯觸神明負違禁忌延致災殃今故燒  
香歸命靈寶天尊修齋行道謝過折恩伏願  
解除所犯賜以安寧銷東方木氣一切災凶  
罪咎蠲平災衰靜息存亡俱泰眷屬又安舉  
家貞吉福壽惟新蒙如所請仰荷玄恩得道  
之後昇入無形

北方

臣等奉為齋官某仰謝  
北方至真無極黑帝五氣天君玄武北斗斗  
牛女虛危室壁七星君壬癸亥子水德坎神  
太陰之氣玄枵辰星五狄老君玄冥顛頊冬  
神水官太一刑殺陰陽正神仰慮居宅之所  
犯觸神明負越禁忌延致災殃今故燒香歸

命靈寶天尊修齋行道謝過折恩伏願解除  
南方火氣一切災凶罪咎蠲平災衰寧息存  
亡俱泰眷屬又安舉家貞吉福壽惟新蒙如  
所請仰荷玄恩得道之後昇入無形

東北方

臣等奉為齋官某仰謝  
東北方至真無極梵炁天君下謝良宮土府  
太陰之神魁剛建破四殺神君仰慮居宅之  
所犯觸明靈負違禁忌延致災殃今故燒香  
歸命靈寶天尊修齋行道謝過折恩乞為罪  
隨懺滅福與願來衆惡蠲消千災蕩散存亡  
俱泰祿壽惟新眷屬安寧子孫昌盛蒙如所  
請仰荷玄恩得道之後昇入無形

東南方

臣等奉為齋官某仰謝  
東南方無極太上靈寶天尊已得道大聖眾  
至真諸君丈人梵炁天君風宮地戶招搖翼  
神三刑四殺六辛神君仰慮居宅修造之所  
犯觸神明負違禁忌擾動龍神今故燒香行  
道謝過希恩伏覬罪咎銷解福善咸臻存亡

開泰眷屬安寧龍神鎮守壽祿增延蒙如所請仰荷玄恩得道之後昇入無形

西南方

臣等奉為齋官某仰謝

西南方至真無極梵炁天君下謝人門月域攝提坤宮四維四極乙癸神君仰慮居宅之所犯觸明靈負越禁忌延致災殃今故燒香歸命靈寶天尊修齋行道謝過祈恩乞蠲觸犯之罪隨懺銷平災咎不侵凶衰靜息禎祥荐至祿壽增延眷屬咸安存亡俱泰家如所啓仰荷玄恩得道之後昇入無形

西北方

臣等奉為齋官某仰謝

西北方至真無極梵炁天君下謝青龍司令天門之神亥官乾位壬甲神君仰慮居宅之所犯觸明靈違越禁忌延致災凶今故燒香歸命靈寶天尊修齋行道謝過希恩乞為罪隨懺滅福與願來凶災靜息福壽增延祥瑞來臻家安人泰子孫忠孝存歿同榮蒙如所啓仰荷玄恩得道之後昇入無形

上方

臣等奉為齋官某仰謝

上方至真無極梵炁天君諸天至極上聖高尊日月星宿八風五行風雨雷電陰陽正神上謝乾儀天道日遊月行八龍九虎太一十精飛旗八殺北斗七星天上天下一切神明仰慮居宅之所犯觸真靈負違禁忌穢慢三光上不敬天道下不畏鬼神愆咎迭積延致災殃今故燒香歸命靈寶天尊修齋行道謝過祈恩乞千災蕩散萬罪銷平舉家蒙福存致安寧祿延壽永禍滅福生蒙如所啓仰荷玄恩得道之後昇入無形

下方

臣等奉為齋官某仰謝

下方無極世界神仙至真高皇土府九宮真人四司五帝十二仙君靈洞川澤五嶽專神下謝陰陽所運八卦九宮五行二宅后土至真地下侯伯四正諸神八部禁忌守宅將軍五土官屬五土子孫及將軍太歲豹尾黃幡奏書博士刑德衆神七十二位內外神靈仰

慮居宅之所犯觸神明違越禁忌延致災殃或五行刑剋四殺侵凌怪夢紛擾居止不寧今故燒香歸命靈寶天尊修齋行道謝過祈恩一懺罪滅萬善咸臻犯觸之咎並乞銷平舉家康泰居止安寧福壽增延存亡同福蒙如所啓仰荷玄恩得道之後昇入無形

二十方

臣等今故燒香歸身歸神奉為齋官某家修齋行道仰謝

十方無極太上靈寶天尊已得道天聖衆至真諸君丈人日月星辰三界諸天五嶽水府三寶威神天上天下十極尊靈下及中黃九土戊己黃神土府五帝六甲五行九宮八卦陰陽正神太歲刑德一切神明切慮居宅修造之所犯觸靈司或侵傷地理穢寒泉源明違禁忌幽忤龍神積成罪因無門解謝以今修齋行道懺悔祈恩伏冀衆聖開光十方流覽百神介福五帝垂休解除所犯賜以自新罪從消平災衰洗蕩眷屬寧泰壽延長宅

宇鎮安龍神守衛得道之後昇入無形

道門科範大全集卷之四十三

道門科範大全集卷之四十四四十五 傍十

三洞經錄 弟子仰勸編

安宅解犯謝竈儀

靜夜陞壇

法事如常

具位并謹與本宅居住奉道某等以今焚香  
虔誠上啓

大聖司命竈君竈君夫人六癸玉女光姑室  
女竈下炊母行火力士火父火母文墨小吏  
擔柴力士膏梁君子竈上媿女媿上童子五  
方旺相竈君大竈小竈君紫微天神玉池夫  
人五方六府神左扶天帝神右房天帝神左  
溫天帝嬌孫右溫天帝嬌女天上三十六竈  
君地下三十六竈君三元四始五土眾神主  
簿孝眷神天禁地忌五行神回靈將軍日直  
土地五方龍王天帝竈君部屬一切眾竈伏  
以設祀受官名已標於往古化金為器事亦  
載於前經黃帝行親祀之規萬古敢非躬之  
祭其一家之內良賤之人旦夕所為無所知  
識干冒神竈憂念弗遑出處公私運謀造作

慮結迨遭之事或與禍橫之靈啓謝未由但  
多惶懼今則揆茲良日致祭獻之禮儀告請  
眾神乞慈憐而普降中外神聖允納虔祈遂  
香霧以齊臨念傾心而流貺昭然聖智靡怠  
情勤弟子無任虔禱之至頓首再拜酒行初  
獻

散花

宣牒或詞

以今焚香重伸上啓

太古大聖竈君部屬竈中有位內外感應一  
切神靈竊以繁昌三代黃羊顯瑞於晨昏萬  
世一時白屋可加於日用運作而威分火德  
輝煌而道合太陽名應上天功宣下土有變  
禍為祥之理示祛魔却怪之能化生熟而福  
及古今運靈通而恩如蒙海神威固剛鈔用  
無窮但弟子某卑凡性識塵俗行藏老幼女  
男尊卑良賤起心運意誤聖違神違竈之初  
營造之始動土工而無論凶吉加磚石而豈  
識利宜或狀失規摸駁雜新故或泥塗不潔  
式樣乖踈擇日罕過於良辰奉祭莫遵於軌